

ինքն յինքենէ, և հասեալ ի վերայ նորա բռնաւորք¹⁾ և տեսաք քաղաքիս՝ մարեցին. և այնուհետև ոչինչ կարացին խօսել մեզ: Եւ մերայնոցն ըսկեալ խորհուրդ առնել վասն շինութեան առ Եղիազար վարդապետին, որ էր առաջնորդ և վերատեսուչ այսմ նահանգի և քաղաքիս, եկեալ թվին ՌՂԹ-ին: Եւ էաք մեք ամենայն քաղաքովս անկեալ ի ներքոյ պարտուց ՂՌ զուռուշի, զոր արարեալ էր Դաւիթ եպիսկոպոսն Արևելցի, կապա զգեցեալ²⁾ ի թագաւորէն Ե Զ անգամ և բազում դրամս խարճեալ պարտօք եւ զպարտոսն բարդեալ ի վերայ եկեղեցեաց մեր. և այս ամենայն վասն վառաց և ոչ վասն Աստուծոյ: Քանզի որչափ զսա աքսորեցին, նա՛ այնքան եկն և յայս յետին շունչն հասուց զտառապեալ ազգս Հայոց: Եւ ի ժամանակիս յայսմ եկեալ Եղիազար վարդապետն՝ քարոզելով զբան Աւետարանին ի լսելիս հաւատացելոց և ժողովք առնել վասն վանիցն իւր, որ էր Բարձրահայեաց Սուրբ Աստուածածնի, առնել զպտուղ գաւազանին և դառնալ: Եւ տեսեալ քաղաքացոցս զսա այր իմաստուն և հոետոր առ յամենայն բանս, ի մի վայր զուժարեալ երկրորդ և երրորդ անգամ՝ հարկիւ զսա եզին առաջնորդ և վերատեսուչ, միթէ ճարարացէ պարտուցն և եկեղեցեացն, որ և եղևն իսկ: Եւ ի ժամանակին յայնմ Ղարա Զաւուչն էր յէնկիչէր աղասի, և մտեալ ընդ նա՝ ծանօթացաւ ընդ նա և սիրելի ոչ սակաւ և տաւ նորա գրամ, և հանապաղ կանխեալ կայր առ նմա. զբազում աւուրս յայսկիոյս և յայնկոյս անկեալ առնէր հնար պարտուցն: Եւ բազում դրամ շնոր[հ] ետուր և սուլֆ ա[ռ]նել ետուր ընդ պար[տա]տէրն և զմնացեալն գրեաց ի վերայ քաղաքացոց, դրամ և ըստակ գրեալ ուրոյն ուրոյն յեկե-

1) բռնաւոր.

2) ըսգեցեալ.